

石田先生詩鈔三

古體

弘治元年戊申
盡八年乙卯

弘治改元元旦遇雨 戊申

元旦未及春東風意先蘇
風來繼零雨和潤物皆濡
助我新天子沛澤彌九區
河流亦傳清天與聖德符
賢俊日拔庸治道務精圖
堯舜不異人政化無兩途
我表在狀畝感激舞蹈俱
告戒各努力勤耕備公租
黍稷多充禽淵靜無驚魚
上下信影響餘生幸于于

弘治元年戊申
先生年六十二

松庭對雪



三白觸眼喜欲顛 天王繼統新改年豈天厭惡下土濁
以此雪之同皎然光昭明堂納祥瑞一平天下知其權疾
而蒙藏能過厚卑而今高如進賢先時上帑寶珠玉今恣
四野開瓊田何須衆歛自委積過而不拾貪夫悛先時豺
虎橫食人空山忍飢今可憐威能挾天已關茸勢可炙手
還螻蛄老夫忍凍亦慣事草廬安抱牛衣服庭前孤松有
喜色要與老夫相作緣

任月山紫馬

霜蹄炯炯映白顛鳳頭宛宛駿一偏黃沙慘淡聳隅目所
向萬里無風煙青絲絡頭未受牽一團紫雲凝不前此馬
所見世上少神氣德力無不全子明水監到渥洼眼親識
之手敢傳只愁奮迅裂卷去四座錯愕心茫然

公羅荀

土酥爛煮如蒸羊老夫大嚼勝黃糧關門浩歌自捫腹犀
筋厭飫將誰強朝來束玉一大把南園早露含天漿老夫
措鑪著活火不道客來煙滿堂

采蕨行

春雨歇出采蕨根可掘苗可折中十取一敢汎濫傷多正
恐明年沒甲痕斷處碧膏流葉拳兀兀綴莖頭傾筐縱橫
筋把亂淪湯潦倒算子柔撓薑著醋味更爽淞上蕻絲須

未及齊不日言金
啾棒

二月八日過靈殿祥公房

理舟指南郊迢迢及側景中途止溪寺陶烟接邨暝門前
見新月步步踏松影虛寮寂無風已有孤燭耿衲子作供
養爐香侑碗茗知我解吟事其意似有請宿酒發孤興捉
筆便愀領草草成數行狂書亂斜整復作掛猿枝墨瀟滂
雲冷但記此經過流傳我何省

移席茅山東頂徐永年避酒而去作歌嘲之

自我來茅山春霧撥不開冥迷五日思困頓當面不見紫
翠堆今朝喜有風汎掃兩目浩蕩天光回秀峯戢戢各拱

立伺我道左千戟排蒼松為幢其崖空石一一羅尊疊
高天廣野寄笑傲芙蓉對三石一吸三百盃徐卿不能
有此量自椒而窟山之隈喧林大呼谷與應禪首竟去無
徘徊却從地上舉手謝遠意若訴不得相追陪會難別易
略不恤有樂弗取真吳歎山禽衝客啄餘齒野花點席粘
殘醅老兵既失老僧在且握石子為關猜醉來枕藉足力
憊扶掖不起相摧頽明朝爛熳別辦冶游事青山在在似
作遊人媒久住山亦許不作謝令推憑我裁截筆作剪信
我包括詩為胎請君急急還來看怪事金釐左股昨夜安
在哉

大石狀

望望秦餘杭首尾行不了大石突其尻翹然一拳橋山體
厚藏骨吐秀此特表正類抱中嬰頭頂露於裸形大氣則
散趣足在於小其深雖未即遠觀已自好頃來莫能窮繼
至敢草草循墻道林麓記曲乃遺香登登覺向峻漸漸駕
木杪猊峯據門左呵禁口欲齧有磴浴百級有殿嵌山造
竝殿跨偃石懸身龍娟矯行人自其下恍惚怖四爪轉高
躋其背股慄身亦掉鎮腦結佛亭所仗力可擾四壁滿題
句貴賤成雜掃同游懲涉險旋踵促及早次尋巖間寮蜂
房互窈窕緣勢盡西向局地窄接繚雲棧中貫穿所歷平

地少山靜日自長石疼人亦禱坐僻覲居安傳奇被游攬
陽厓詫脣掀陰竇疑目盲虛舍風颼颼濕暎雲稍稍衆縹
不可熨亂疊龜圻兆層疊百寶合正絳或厠縹亘此金剛
座千古不可剗危椒壓屋脊雷雨嘗怯倒草木亦作怪牢
絡萬藤萬蒼松長深根本矮枝節老斜見山桃花微紅暎
叢篠草異傳多藥采掇未諳曉欲宿償三過衾裯悔忘抱
既夕氣更佳延月象倍皎尚之一踏雪意先有瑯島情狀
要細述言語未獲巧不期諸蟲鬼柱腹早韞稿宛然紫芙
蓉爲我一手拘東坡昔袖去援例我非狡山僧苦著相便
覺生煩腦

成化戊戌十二月李貞伯吳原博史明古張子靜游陽山入雲泉庵觀大石作聯句詩先生補作此詩及大石圖圖今藏稼軒家

雨中看山寄楊君謙

看雨春山中晴日未可及巒華與嶺秀濯濯翠流汁水墨間
罨畫屏風四圍立雜花逗餘紅雅與松共濕低雲滿窻戶似
愛幽者入我初作靜觀併喜得靜習紛紛冶遊子此景不足
給有詩在此境佳句待人拾許腸倘乾燥亦許借潤浥持之報
楊子正可事展筮

烈女死篇

周家女子李家婦未嫁夫家但相許正如一樹未開花分

明自有春為主李郎病瘵兩年強說道今年香上床聞來人語
多不的口又藏羞難問娘只對寒燈淚如霰為重為輕果誰見
此身空負嫁夫名此眼何曾辯郎面阿娘背女泣堂前付是郎
邊凶信傳烈姬重義輕一死貞女安心無二天通身示孝衣裳
白長練高經繡房夕在世鴛鴦不得雙同到黃泉願成匹

烈女生篇

阿娘心悸夜不眠起來顧女如雉懸肉寒氣絕強求艾引息
微微吹碧煙奪鬼為人假天手天亦憐渠能過厚怕教此義世
無知不使其人世無有夫妻未媾本何私分在名

存白日知何如死向白日下千載分明心不欺今載聊因
阿娘活枯木暫回根已撥將心化石立即瑩表是郎妻刻
妾名

望月思親爲常謚作

常郎五歲失其母恃有父存未知苦長來見父不見母入
地欲求地無戶仰天見缺月似我獨見父明朝又是月圓
時死者安能復如此嘗嘗見月便斷腸天或哀憐爲風雨

題畫四景

山踪驗神斧松年落筆親崗嶺互起伏草樹發華春林麓
翁沙禽葺葺見田穉石壁嵌陰竇中有細泉注我本水澤

民潢潦少寧居願言携雞犬結卯理吾書

繆木相倚薄溪流宛轉通漁梁給行旅酒館次途中初日
炤前嶺岩冕瞻積翠上有古時棧崖傾石苗墜撫景念北
苑微蹤今已希斯人不可鑄山水有餘輝

雨過物容潤秋清風日佳水閣延時光座獲好友借傳觴
有餘樂流觀溪山勝魚鳥亦忘人不復違笑咏欲招郭子
熙精神曠千年層阿與芳渚仙遊其倘然

平生事疎放雅慕范中立千山發其胃淋漓元氣濕蕭森
此雲林層岑出高寒羣物皆沈寐鳴瀨獨潺湲臨圖追妙
思超絕所詣難步驟多謬誤瑟縮笑邯鄲

漁舟晚酌圖

新豐酒波堪濯足塵土紅污酒顏綠粗豪飲客下馬來三
觥五觥行促促何如竝著春江船蒲茸紫立柳黃眠船頭
對坐杯漫傳賣魚儘可供沽錢夕陽射眼拉柁轉江光貼
天孤鳥遠

米南宮茗溪春晚圖

聞著米圖忙促展楮墨依微却難辨皴膚斷理慨塵番渙
迹漓踪認餘前作上聲想從潘谷試煙華惜法曾聞用之淺
况是澄心體玉疎好事何時不舒卷流傳人代多展轉物
豈能同歲相衍詩駭月宜告獵辭刻石特存存尚鮮繼燭

殘生九死後得見似人權且勉或云標題少芾芾紹興條
識朱猶酒君王法眼賞惟精此筆敢當當不悞炯邪兩邪
樹色溟洲兮渚兮水光法眼中未足許清茗平峴衡沙或
湘沔翠霓冉冉天蒼茫旗影迷空恍遊輦海嶽遺靈仙者
流我欲招之愧辭寒

盒子會詞有序 弘治巳酉

南京舊院有色業俱優者或二十三十姓結為手
帕姊妹每上元節以春檠巧具餽核相賽名盒子
會凡得奇品為勝輸者罰具酒酌勝者中有所私
亦來挾金助會厭厭夜飲彌月而止席間設燈張

樂各出其技能亦一樂事也

平康燈宵鬧如沸燈火烘春笑聲內盒奩來往閉芳鄰手
帕綢繆通姊妹東家西家百絡盛裝殺釘核春滿繫豹胎
間挾鯉冰脆烏欖分攬椰玉生不論多同較奇有品色輸
無例陪酒呈絲逞竹會心歡哀鈔禪金走情友閨堂一月
自春風酒香人語百花中一般桃李三千戶亦有愁人隔
牆住

白眉神詞有序

教坊妓女各供白眉神朔望以手帕扎神面一過
遇子弟有打乖者輒以帕洒其面自然心悅而從

留戀不已蓋所厭術也

禱眉神掩神面金針刺帕子針眼通心願煙花萬戶錦排
場家家要教神主張主張郎來不復去夜夜笙歌無空房
帕子有靈綾一方恩絲愛縷合鴛鴦拂郎拂著春風香一
絲一縷一迴腸

結羊腸詞

扯門神結羊腸分撚九縷五寸強手中搓掌亂攘攬攬縷
對結頭相當或連或斷猜不定為圈為索亦難量一圈貫
一索上馬為仙郎大吉一索子通天徹地長次吉一圈子
蛛窠不尋嘗糾錯驢馬鏡占者愁不祥正月十六日惟良

九姑九姑我燒香西家小女心最忙喜聞開門占鳳凰不似老夫無所問惟知喫飯著衣裳

三月十日東禪喜得孫之報同楊儀部周好德賞牡

丹醉賦

三月十日天作晴僧房怪見紅娉婷正迎佛面露微泫傍向客子心都傾我於六十出三歲恰喜得孫花亦榮平添酒量破慳吝老霧捲花增眼明花不能言却能笑道是無情還有情楊君綺語致喜狀周君絡送雙銀鑿拂花起舞成潦倒明朝好事傳春城

東禪寺夜賞牡丹

我昨南游花半莖春淺風寒露凝思歸來重看已如許寶盤紅玉生樓臺花時待我渾夫落我欲賞花花滿開夕陽在樹客稍歛更愛動纈風後來燒燈炤影對把酒露香脈脈浮深杯

病後覽鏡詞

匣中青銅小圓月比月長明又不缺朝朝炤我六十年初自非時今白髮一朝見面一朝親老少妍媸認得真病來半月不開匣開匣頓然成別人脂膠兩眼匡矢肉頤摺垂垂顙骨簇旁人雖道言笑是箇裏故吾何可贖鏡神謂我瘦勿驚爾形尚在天有情休文減帶固本相撫鏡始覺吾

心平

星墮

惟巳酉十月五日立冬始雞後涉黎明寤者稍稍起有星
 流西北而從東南止其大如車輪蓬然曳長尾撒星更拋
 焰遺落相彙彙其光白中黃燭地以晝比行旅盡驚仆吠
 犬鳴驚雉墮地如砲聲引響久未已牀闥皆簸撼約聞三
 百里七月嘗示異不意復有此瞥過視莫諦墮處曷究擬
 至地當有化其形當何似其墮當何曜其罰當何理竊謂
 經與緯墮一天缺紀無乃金火餘其氣互合耳餘衍固非
 正謫罰自有旨蓄祥付茫茫不敢扣太史

題卞退之畫卷

卞君古視三丈強持來致我溪上之茅堂東西展衍兩至
 壁一尺素練搖江光之不敢染半墨三年尚白空堆箱
 直須大醉可發興况有肺病無藥湯書來督責且多侑再
 四稠疊意莫當時時夢裡作揮灑而然高華南湖湘今年
 憂苦雨連月裸被兀兀愁床床吹燈夜半鬱不過起來戲
 潑金盃兼某山某水開遠近一丘一壑相低昂人家互住
 雜樹裏溪柳引路還循墻我緣此境可當一載酒紙上便
 認鄭公之故鄉思君不見捲寄去綠陰黃鳥千高楊

送劉國賓

劉國賓秦府儀賓也來游蘇杭楊南峯為文送之弘治庚戌

劉郎面玉爭荷花少年經市果滿車金張許史不敢備鳳
凰合德賓王家平步爲僊五雲裏甲第藏春天尺只笙歌
催醉金叵羅七十紫駕扶不起冶游昨日過江東細馬紅
粧山水裏家人要問山水處生綃搦取蘇杭去

謝孫世節惠藜杖

孫子憫老寒惠杖若無杖其輕猶握煙且喜不壓掌七尺
多臃腫論重僅銖兩促節數三十還復有一長敢以煇書
燃獨任探梅往

留題拂水巖真公房

我家去烏目北驚僅一餉嘗游但東麓拂水渺在望衆口

詫奇勝翹首作西悵茲來不忌雨晴意晚始放力奮與亦
超履淖老追壯一登還一頓往往手却杖轉陟歷亂石嵌
突踏雲浪豁崖中通泉欲墮風倒抗颯颯成萬沫仰噴下
而上著面毛骨寒遠立未敢傍直訝功德水泌沸金剛藏
老僧瞰泉住相地風水當天設冠茲山邑人不我誑抱衾
雖一宿言拙莫能狀乃知南山詩包括自有量重來何歲
月此亦還可訪

宿覺海菴思食蕨有作

弘治辛亥

西山蕨苗春纂纂握春不放兒拳滿新鮮魚鱸六寸生滴
瀝乳膏千梗斷前時來嘗煇沸湯著鹽加醯參以薑今年

擬嘗來太早勾玉藏泥深未萌小留五日便可折風煖雨
香連夜發去心不比住心閒明日雨晴思出山

爲郭總兵題長江萬里圖

元戎大開寶繪堂紫錦薦几霞幅張手披牛腰之甲卷水
墨迤邐踪微茫我從魚鳧弔往古灌口玉壘煙蒼涼青城
雪山蔽虧處導江之岷不可望三水合流錦官當三娥九
頂遞接翠樓觀縹緲天中央渝涪城高宛相峙嘉陵跳江
吹枕傍陣迹齒齒石作行風雲慘澹開瞿唐黃牛灩澦難
舟航青天仰漏一線光峽窮江廣見漢陽黃鶴赤壁相低
昂廬山五老天下觀順流漸見迎風檣大姑小姑交媼媚

何年爭嫁彭家郎三山九塞連建康南都宮闕何煌煌大
明定鼎龍虎合萬古鞏固皇圖昌真州列兩廂金焦
業截當喉吭直吞天派納海口有若萬邦來會王座中指
點皆歷歷駮綃數丈萬里長老夫因頓今白首欲往遊之
無裹糧徒然感慨在牘下捕影交風消燹腸心搖搖兮悵
傍徨佩有蘭兮襲瑤芳江兮漢兮不可度望美人兮天一
方少陵東坡二豪者風流在在留文章英雄割據未暇論
臥龍獨數人中彊元戎元戎將之良此卷兼與韜鈴藏南
征西伐或有事按圖索程猶取囊非惟供玩託深肯居安
慮危心不忘嗚呼居安慮危心不忘

松卷爲德韞弟作

老夫平生負直氣欲一發洩百不遂隱居只作木強人設
任亦爲強項吏白頭突兀尚不平托之水墨見一二豪來
寫松三百株一一長身拔於地只嫌紙短手跼縮腕間風
雨生蒼翠東園阿弟看落筆神驚眼駭走魑魅堂中宛宛
閒徂徠不知老兄作遊戲夜來明月奪江光滿卷飛蛟稱
怪事

悼劉協中

先參負文豪喜子紹前志總角弄古辭綽有高遠致雲敷
及泉湧思銳不可擊落筆驚鄉達翔聲聳朝士聰明累多

病冉冉精神弊玉芝折孤莖吳岳失靈氣前後千萬年浮
生祇暫寄廣大班馬程發軔聊小試奇才固難生生則天
復忌遺章可償壽尚爾不朽恃初怪語不祥往往寓感喟
色慘花當萎鳴悲鳥將逝茫茫修短數豈亦容人意不應
老鈍夫顧爲英俊淚

劉嘉縉字協中欽謨之
子有雋才卒年二十四

送高守素還艾城詩并引

弘治辛亥夏首之十日平定高君守素將還故邦
凡交者各合其地之人爲言贈之此卷皆出長洲
人而予則爲倡也高君邁矣暢然見桑梓之鬱權

然萃父老之舊起居外則出若軸與卷不一而足
觀者亦足以徵君之多能多歷而與者之多矣

高先生夷而凝古仙德幽人貞貌温有神言低無聲其坐
而山靜其步而雲輕泯然絕嗔怒誚罵從人櫻隨身枵橐
倘有入從人取摸畧不爭飲酒十石面弗頰飲與不飲同
一程座中有扣無不應如鐘如磬隨擊鳴其腹有地名黃
庭先生築基久已成自然夫婦中配合欲與天地爭長生
其外還須借服食真水真火攻煎烹尋嘗濁土難立鼎鳳
凰不來山不靈其術自闕世莫識尚以針砭容浮名上至
公卿下乞丐疾苦一視心何平落魄三十年芒屨不輟行

愈走愈眼高愈見愈骨清今年別我去我去古艾城我謂
子是老客星四海所在開蓬瀛胡爲桑梓尚足懷大事可
諒小不明先生嘆曰君過矣千年尚說遼東丁翩然冠劔
遡風往我在地聞吹笙

理折齒

蛀齒已脫三又一搖根株雖存作脆脆中空外色盧剝芡
偶相激迸落如跳珠頓豁城墮堵深闕壁穿齷齪遺槎突芒
刺腴間動齟齬比比皆老鈍何特存廉隅東家借小鑪我
願磨其觚

十二月四日入郭小舟逼坐五客徐舜樂出吳太史

所和東坡先生清虛堂詩一韵三篇末章有及余者
時天作小雪亦即興奉同一首

長河水落浮淺沙舟小客眾蜂誼衙江天翳眼雲作色薄
有雪意飄微花老夫抱病久不出歲莫瑟縮難辭家荒郊
寒風吹濕葦落鴈接翅隨翻鴉前林枯條頗封白的歷還
疑梅著葩蓬窻欲賞苦乏酒覓火未便仍無茶舟人却信
我固吝婦翁枉事倫何搗詩喉無柰渴少潤祇累短髮空
搔爬清虛高韵不可借聊且試筆開煩嗟匏翁三篇况在
側宛宛玉氣生高霞

匏翁集云雪中李世賢招觀東坡清虛堂詩真蹟是日
住觀乃刻本蓋世賢招飲恐客不至故給耳明日世賢

持啓南雪嶺圖索題共次原韻三首今見本集中匏庵
作詩蓋成化壬寅歲之

暮投承天習靜房與老僧夜酌復和清虛堂韻一首
臨昏細雨如撒沙城中官府已散衙空林古寺葉滿地墻
角僅見山茶花繫舟夫穩促沽酒布帘尚曳河西家老僧
開門振高木宿鳥續續啼鴉松寮竹榻古且靜人影凌
亂燈含葩殷勤小行頗展歡醜酒莫及先烹茶更添香炷
侑清啜坐久不覺蒲牢過三盃破凍聊爾耳俗慮脫臆如
人爬浮生歲月聚散過撫事感老徒興嗟淨方頻來亦夙
契敢惜片語償煙霞

吳惟謙任敘州太守弘治壬子

雲司轉階例不卑藩參臬副皆所宜君今出守古楚國過
峽萬里天之涯衆爲君憂君獨喜負利要自盤根施我知
作郡得專政豈是唯唯因人爲敘封况聞廣九邑其民旣
遠雜以夷鑿牙穿耳固頑獷撫之恩信當懷來詩書更欲
變味離文翁之任非君誰荔枝初紅五馬到江山亦爲人
增奇山谷老人有筭賦讀賦食筭君還知苦而有味可諭
大歷難作事惟其時

三月九日舟泊虞山下見游人續續於椒麓間可愛
而賦

霽色澄虞山正與遊人偶一年無多月春三及秋九勿厭
傾郭人隨俗悅親友春風若招邀處處開花柳林華競妍
新無復有惡醜間見叢綠中遠映紅裙婦休云惱山谷點
綴亦可取樞趨識壯步履頓驗皓首下上相追携從高引
衣手尚有散逸流列石自俎豆老夫目中盡未逐逐走
况當氣力衰孤坐還可酒

七星檜

海虞七星檜宜爲群木冠列子子宮與邑作奇觀廣墀
氣蕭森入門凜欲汗久信天地成况知雨露灌傳植從蕭
梁其說我恐漫驗斗形叵全七旣斃其半三株寔聊存難
執歲月算各各具其異形容匪詞翰西體裂多槁豁然敞

三判東體活亦裂筋骸互續斷北者蝮而禿袖破舞脫腕
 葉亦不暇葉榦亦不暇榦左文皮索絢孤葩頂留繖槎折
 象齒踈瘦決鬼目爛疏越復叢穴骸骸仍軒岸蛟孿及猊
 跛努力不得竄矛長及劔短接戰驚楚漢如此紛怪駭聃
 君不能按知遭幾雷厄還屢兵火難生死付冥然造物反
 被玩君子重貞固頑醜小人調緣高坐吹簫我欲呼鶴鶴
 從根覓埋丹澆泉覲紅燦長生就其蔭永作婆婆伴

致道觀七星檜梁天監二年真人張道裕手植今尚存
 其三其餘則宋人補植也先生獨畫其最古者三株舊
 藏太倉王司寇家

登吳汝秀萬竹亭

有山或無竹有竹或無主主家屋後山竹盛不可數布石
 接陰行初入問無虎高躋漸窈窕早露滴冠履深翠映人
 面葉雲仰如宇長身森萬挺疎密各有序群居愛不亂君
 子樂生聚林亭雅中構落簿仍鄣部清歌激涼吹按節傍
 可拊想多逕造客題名刻旅旅筍富主食飫太瘦亦自取
 還能長詩腴彼此有損補十箇笑市城寸寸黃金土此地
 多不賤一一容玉汝

烈婦吟

盜瀆西泔薛媛邵婦邵吏坐法逮者如虎逮悅薛媿他語

肆侮薛醜其語身雉經誓不辱夫以死明黃犀辟塵不塵生
白玉絕玷玷不成嗚呼荒塚久欲平後人立石題烈名

周孝婦歌

余鄉周玉妻王氏玉死家貧奉姑至孝姑年七十
餘患痿足不能履地弘治壬子吳中大水屋廬皆
拆毀以易食食盡負姑行乞於鄉道路阻水艱難
揭厲步多顛躓行乞於人十無一二雖有亦殘瀆
餘瀝取其精潔者以奉姑而以穢濁者少自充餒
姑泣謂婦曰年荒歲歉我且垂死旦夕汝勿以我
顧戀當別爲之處以圖存活婦銜哀以告之曰假

使婦先姑死不能存活婦合夫絕豈有棄姑之理
姑婦俱泣而已余聞而傷之使人召之見其姑偃
僕在負二人皆鏃甚面臚骨立若無生存之氣矣
因月給斗米薄助之姑婦泣謝而去余感之爲賦
短歌云

水沒田人沒食周家老寡姑足痿不能立湖村行熟今無
路新婦負姑饑乏力東家西家水流竈南隣北隣浪排壁
偶然殘飲得半瓢清湯泠泠浮少粒灑粒飼姑惟啜湯腸
不能充唇略濕夫旣死屋亦拆出無船住無宅膚皮撐骨
活死人但是喉中惟有息姑頻勸婦勿相顧留汝一身還

易給嗷嗷兩口日待舖一噍莫營飢火急姑說罷婦飲泣
生同死同誓不失流離顛沛尚如此純孝心肝堅似石我
亦移家去城邑養親賣文當採食月分斗米助不及不是
有餘存隱惻

十八鄰

比比托鄰竝相好逾百年老少雖消息替廬無改遷辛亥
壬子歲潢潦割相連滔滔槩吳會墊彼公私田田中不生
穀辟術無所傳嚼草草亦盡仰面呼高天惟食累於世不
如枝上蟬渾舍相抱哭淚行間飢涎日夜立水中濁浪排
胃有大兒換斗粟女小不論錢驅妻亦從人減口日苟延

風雨尋塌屋各各易爲船憂厄久不解豈免疾疫纏死者
隨河流沈骨魚龍淵生者乞四方所飽何處邊兩年非一
日幾日艱一饘逐逐更逐逐去如飄葉然飄葉或回風故
處還周旋一去叵測歸歸亦何爲塵鄉土及骨肉豈絕情
愛牽厚地莫容居皇天不哀憐四郊類兵變蒼莽空人煙
盜賊國有討此禍力難援州司曠恤典勢分與民縣告訴
走無門何況病莫前老夫虞無米亦無廣廈千對眼不忍
見衷腸惟火然便欲吐我甫納彼止一噍衆口相嗷嗷欲
足理莫全故好成乖隔載聚何因緣

鷲禽行

弘治癸丑

東海鷲禽身幹小毛緊骨聳睛皎皎就韝飽飼十年肉要
與郅都同一考掌中久矣無駕鵝報主但未呈梟慄壤間
鷓鴣鼠坐齷齪何足當拳乃輕橋拙鷓以逸待爾勞竭力睢
盱仰張爪捽頭陷目出不備兩點華星光莫曉嗚呼勇不
可恃志不可盈拙鷓矐目笑爾盲爾鷲不復言功名

題畫卷

吳之爲國水所涵有山平行無巉巖我家多水少山處悵
望翠微心所貪時能借墨補不足數紙連絡長畚粘峯巒
重複間溪淑雜樹列布多楓栴或開大壑浸山足其椒半
爲浮雲含僧廬隱映遠木杪平坵道谷出水南東邨西落

互親友畊田鑿井同丁男便須芒屨與藤杖聽泉採藥我
亦堪陽岡亭館誰擇勝雅許酒會并棊談嘗聞巴蜀天下
險未可一往尋鳧蠶子長之興浩不淺感此老髻霜鬢髮
聊因此圖識所見臥遊一生還自甘

爲徐霖作雲山圖

老夫潑墨爲白雲忽看一障千氤氳徐卿新堂虛北壁誰
謂不堪持贈君青山爲母雲作子倒見青山落懷裡分明
七十二芙蓉永海臥秋扶不起滿堂雨氣颯欲流隔簾綠
樹啼春鳩白雲在家親在眼不倚太行歌遠遊

題光福畫卷

羣山西奔駐湖尾通川夾山三十里川窮小濼開鏡光居
民次水屋比比屋上有山屋下水開門波光眼如洗虎山
橋畔晚市忙打鼓漁郎賣鮮鯉霜前橘柚萬苞黃雨後楊
梅千樹紫山圍水抱開農桑樂土風光真畫裡三年潢潦
我無家恨不携書亦居此

生辰漫詠

弘治甲寅

今朝六十八歷歲知既夥青春不還人七十近在左流光
迅晝夜忽忽迸石火我與石火爭寄活真螟螺但願無疾
疾詩骨瘦亦可浮雲載富貴過眼頤不采先人有薄田數
口頗纏裹關門事清咏天地自容我

題錢世恒御史雪竹

清溪道人寫奇竹拔青琅玕栽白玉湖州千本空老墨夾
雪一株清兩足仙鷲曳尾如鶴飛欲看何曾借凡目捱窻
逼凡人亦寒亞葉垂梢風不觸主翁雅有沁雪軒壁上不
能無此幅拙夫相向低白頭手莫堪模但心服

題江南景寄北客

江南山水爲吾鄉山能千里江亦長且於天地莫可縮寫
寄一紙渺渺并蒼蒼縈灘沓渚犬牙出重村雜樹青煙藏
沙溪杳杳引百丈扁艦前後來羣商漁翁舴艋聚蟲蟻百
網對舉如牽囊風波澎湃濯山足屋葉倒墮閉與飛漚忙

迸泉或自岩腹落兩僧仰面洒沫涼燕車冀馬空輓輓宜
未信此爲荒唐似之小卷當爲發大笑長游便欲追吳檣

王將軍樓船歌

江南古來傳綺語江南畫船如屋裡將軍總衛在江北百
乘高車馬千里五牙富貴地非宜雲海行窩出新理揚川
駁駝十丈蓮飛艫擘空如迸矢兩頭簫鼓沸中流兩岸行
人看如市中間紗幕開暑風左邊設圖右邊史將軍受用
通南北坐泛西湖與杭此還須笑咏載老夫收取風流追
郭李

送汪廷器重遊遼陽

三韓亘東北其地次海隅勢位何崇高沙漠莽莽俱盤鬱
千萬山望有醫巫閭夷狄相交際烽塵稱畏途汪君江南
產好遊司馬徒走馬日千里寶鞭揚珊瑚風霜切貂裘酒
薄不足呼腰下秋水劍復繫玉轆轤海雕落長雲壓桑戲
強弧於此顧有樂結納多文儒黃金日繞身大餅擲歌姝
歌姝且不惜巨萬酬邊需磊落見襟袍中可開江湖一別
倏十年玉雪猶偉軀言復尋舊遨逕去難色無笑我裹足
人牖下祇白鬚分手各有贈贈我錦襪揄我亦聊菲薄短
篇侑雙壺

爲淮陰王揮使畫牡丹

王君四月方來蘇綠陰滿地花已無臺紅樓紫不可覓筆
底春風尋老夫殷紅滴露看活色信手貌出西家姝坐中
狂客未解事欲折不成空紙膚去年淮陰七尺雪凍地似
恐花根枯此圖贈君日日賞一日須傾一百壺

吳都閩松障

帥府潭潭堂壁上白間少我一松障寄將雪繭炤眼光筆
未成揮意先放徂徠縮地落此間古意蕭森立青仗清宵
明月待開門白日風雲與摩蕩將軍仰面揮羽扇思靜神
閒兀相向老夫更活三百年歲歲逢人問無恙

題天麒臨王叔明太白山圖

弘治乙卯

我家太白圖太白於焉備山既得其高林亦得其邃天童
古佛宮盤盤奠坤位佛爲山莊巖山作佛布施擇勝啓道
場佛子良多智千樓絡萬閣訝出毘盧枝飛薨揭煙霞觚
稜日星比金碧足輝映時復交嵐翠重峯與複嶺附綴喻
肝肺雲去若撐天雲來若無地自天設此觀天下若無二
松竹二十里幢蓋碧相庇方池落天影何年萬工治神泉
及樂石瑣細各具類兩溪貫其麓梁圮鎖三四遠近羣小
山趨拱左右至如家有嚴尊爲從許幼稚路入岐而一宛
轉仍迤邐包錫走緇流騶騎或官吏芻蕘亦絡繹明滅見
隔樹于時及高秋衆葉霜所被青紅錯顏色巖谷更增貴

按圖指歷歷如讀鉛鉅記引紙僅及尋顧有千里勢作者
王子蒙品高見超詣出入右丞筆緣蹤究其自想居此山
中不以歲月計遊觀稔心目思到方位置乞我日臥遊不
用襪繫繫我藏三十年各客未輕示吳生學丹青不但許
能事久已知此卷未敢言借視我既察其色一出厭所嗜
初見目不收張口歎且悸諦玩廢飲食十日得恣意然後
敢舉毫舒素敬亦試搨搨追三月極儼加精緻便欲無我
卷後輩豈可易但恐有豪傑亦有造化忌我自襲我卷子
亦當自秘

貞節爲朱孺人題

松溪之松貞不變松溪之水清不污松貞水清鍾節婦節
婦有家溪上住及笄婉孌女于矢松上女蘿期永附四七
之年分死生女蘿乳乳松忽仆三雛眇矣提抱間今各斬
然能幹蠱晨春夜織三十年白髮毵毵炤荆布少時望老
不易到見苦歷勞安夫路譬拔金釵投火中火盡爛然金
若故燒香暗告泉下人白日知心已無負

憫日歌 七十歲作

日既去日復來來如赴去如頽來是誰約去是誰推一來
一去彼此自禪續無與我與何故使我心驚猜似乎少年
有根是汝拔老醜無種是汝栽百年所算三萬六千日自

我而數指作枚我今行年已七十歷日二萬五千枚所該
百而去七大大半又復使我心驚歎雖欲不驚歎猛見霜
絲雪縷垂兩腮何況人生不滿百疾鳥健兔又如此而相
催我思天地靈長之氣十二萬九千六百年然後運窮劫
盡蕩而爲灰吾人亦謂參三才胡乃其氣短索不得相追
陪準天地而言人眇塵海之一埃慨歲月之玩人同今古
而一雷我無長繩繫日住亦無長戈揮日回亦不知學仙
能久視亦不知托佛能輪迴而今而後去之日付一盃來
之日付一盃不憂罄其瓶恥其壘春暖秋涼山邊水隈訪
黃菊尋白梅秋月自與吾慮淨春雲自與吾懷開晝遊之

地吾蓬萊夕息之處吾夜臺以殤視我吾老大以彭視我
吾嬰孩信壽夭吾何以外請享此見在不樂胡爲哉

弘治九年丙辰
先生年七十

挽方水雲道士用東坡先生清虛堂韻

學仙不成似炊沙紫府著爾無閒衙長生只在唇舌上六
十瞥眼風中花江湖漂萍本無蒂一囊書畫東西家虛談
火龍配水虎豈見白蝠如烏雅惟於飲酒詫能事終身落
魄猶蘇葩醉魔沉冥不可醒帶病去買宜興茶長途昨夜
忽觀化訃至空使吾胸搥皮囊敗壞秋草裏青山劔穴從
誰爬碧雲黃鶴渺何許矯首西睇令人嗟我今隨生亦隨

耕不齋石田詩金

二十五

死努力加飯辭食霞



石田先生詩鈔四

古體

弘治九年丙辰盡
正德元年丙寅

妙智菴牡丹

丙辰又三月與吳瑞卿宴牡丹于妙智蘭若同賦

我來借看富貴叢僧房認是賃宅中去年看過今又到花
若遲我舍春風甕甕白髮雖不稱未許花前無我儂慈恩
在前妙智後今古樂事將無同古花已見古人醉今花還
對今人紅一觴一咏雅而樂何用羯鼓敲逢逢冠裳顛倒
插花舞強似筋力追兒童莫教錯認白太傅自是頽然田
舍翁

吳瑞卿染墨牡丹

井石齋石田詩鈔卷四

瑞卿能染折枝如活興發復造此篇蓋老人惜春之懷更劇于少壯不覺其言之媿媿也

雨晴風晴日杲杲趁此看花花更好澆紅要盡三百觴請客不須辭量小野僧栽花要客到急掃風軒破清曉知渠色相本來空未必真成被花惱吳生又與花傳神紙上生涯春不老青春展卷無時無姚家魏家何足道

登呂山吳氏池亭

君家四山秀相傍亭館依山起池上畫棟飛雲天影虛日映樞窻搖穀浪美人清歌行玉觴碧藻出魚風澹蕩駕鸚鵡似江湖花徑臨流紫絲障屋陰壘石更學山意未足

真翻假尚掌上芙蓉百疊青李怪牛奇知拚擋主人去後我却來物是人非激悲悵浮生歲月奈有期富貴役心無盡藏老客重遊恐未緣惟擬緘書問無恙

暑中題雪圖

六月添衣喚僮子自畫雪圖茆屋裡玉花出筆飛上樹慘澹陰山無乃是老生放筆還自笑顛倒炎涼聊戲爾門前有客來借看滿眼黃塵汗如雨

題錢氏沁雪石

亭前有奇石兀可當一嶂沁此萬古雪亘地氣魄壯蒸雲勢欲軒得月神更玉器擬軼伏池品未下雪浪剗鑿天借

巧胸次見洞蕩孤立宜有鄰雅許修竹傍風雨不敢泐刻
字久無恙寶此一變足礫砢不多尚貞德允配主白衣可
呼丈我見便欲拜良信未弗誑聊與貌高古敢有愚公妄

藍關圖

卷中誰貌藍關雪瘦馬凌兢寒切骨阿湘遠來候馬前低
首擎拳赤脚熱擁鞍相向殊慘情神氣宛宛人欲生瘴江
囑語亦切至掩吻哀哦如有聲筆痕入素淡而媚顧陸之
間見能事前人遺迹不易題安得起公爲畫記

三過大石雲泉菴用杜工部道林二寺行韻

十年不到歲月殊江關所寓程非紆山塍石磴足尚健地

勢漸高開太湖人言吳岳亞廬岳我謂此石當香爐羣龍
夭矯聚山脉奔走左右來爭珠秋天日晶氣更爽何況殷
勤親友俱茶煙出屋窳野鼠谷風振竹喧林鳥兩畚記壁
皆有作已及三過今難無要登厓寮靜覓句石梁逕過揮
旁扶老年儘好尋樂處官府清簡無求誅郊邨接日錯紅
樹積禾塞場雞狗腴行厨足酒不待買藏闔未暢五白呼
漱酣多臨淨礪趾風襟或倚長松驅狂言偶發合古韻存
棄但信山僧圖在遊不當鄙下里同聲可應何相孤青山
落落我兀兀白髮種種心于于衾裯失抱悔莫宿下山日
暮隨樵夫

題畫寄楊提學應寧

我隨草木生長洲索居自處無朋儔於公辱知亦既久十年茂面無時酬尋嘗開緘見諫議言語亦得通綢繆終然玉樹隔眼物碧雲明月心悠悠適來宦轍道桑梓老臂無翼從之遊仙人可望不可致聊以遠夢尋丹丘夢空人遠相憶在因寫江山消我憂寄公高堂我再拜一日素壁開清秋

為匏菴臨秋山晴靄卷 弘治丁巳

匏繫菴中春日晡拂几試展秋山圖煙扉慘淡墨痕裡遠瀨百折沙縈紆巒容江色開浩蕩扁舟鴈鷺人驚呼長安

藥叟遺此觀氣味自是管丘徒其人已化其跡在流世直欲千金沽絕無粉黛假顏色俗眼曾不留須臾菴中主翁能賞識對我但道今難摹不應莞爾領翁意擬筆莫及成嗟吁古人妙地學始見洵矣邯鄲非易趨朱繇道子固有說妄意自笑西家愚

用清虛堂韻送匏菴少宰服闋還京

三年袍幘遠風沙歸家讀禮如退衙長髯已間數莖白瞳眇明察無纖花鄉人廿載曠接見老少瞻拜嘗填家怡然不煩亦不拒正猶茂木容羣鴉 朝廷眷注特虛席匪直鑿藻兼辭葩要儀百辟重德度如鬱須酒渴乃茶駢駢四

壯不可緩我亦殷勤當執搨與君一別絕聊賴蟣蝨類學
嵇康爬衰人載見恐無日未免握手成吁嗟時勤相憶但
搔首仰睇天上空雲霞

弘治丁巳三月匏庵服
闋北上先生年七十一

讀楊宮詹與屠太宰論事劄子

古諫無專職士庶獲胥通今者置有位非位默而恭卿相
曷其然出納代天工宮詹此劄子責善太宰公辭嚴氣則
直讀之聲颯颯韓論及歐書異代而合蹤既可扶國是抑
竭朋友忠百年無此言友道從而隆 朝廷罰臺給株連
班直空宰公乞攝曠奏上何匆匆略弗涉救援於是涉迎

逢急彼故緩此意外有牢籠人情鄙茲疏詆訕紛詢詢臺

為風紀御給本絲綸總 朝廷托耳目立法錄 祖宗官

小係則大責重望乃崇愆忒以之律邪佞以之攻從則如

水流不從如水壅士氣要在養養則其氣充折沮失蹇諤

使之抱喑聾 天王本 聖明宰公實股肱信之如蒼龜

可以定吉凶慷慨能行義豈曰無優容難解者彭王彭程

喜怒注 宸衷程罪終見釋鉞辜終弗庸公議皎如日曉鉞

及三尺童豈宰顧不諒而弗及童蒙 朝廷行是罰名以

懲不供因攝以寓援何不鑑觸龍乞漿或得酒求魚庶離

鴻言患不至此何患聽弗聰所惜在諫垣兩挫一歲中歲

來其媿媿履霜愴凌凍不可視 朝廷長有拒諫風鳳鳥
 各不鳴若鳴致時雍匪為羣諫地自樹弼亮功其日舉傳
 奉逮諫適相同奏名四十員珂馬耀長衝胥靡共趨走俛
 默不敢顯觀者謂不祥道議起如蜂其責將誰歸未可謝
 匪躬當憫時不平亦可悲人窮不鳴豈瓦雞不應豈木鐘
 豈待七年發救焚必征佞但恐緩不及激切有緘封令人
 思三原當此熱心胸陳乞惟恐後剴切期必從皎皎歌白
 駒一往無留蹤江湖渺吾憂其言不可終

附刊屠太宰解嘲詩并序

予於弘治丙辰閒承乏天曹夏四月十有三日科

道官奉

旨俱下錦衣衛獄予聞之召四司詢科

道得罪之繇皆曰不知且言諸衙門所進民情封

事既得 旨例捧到科交收今既下獄無人收領

各官既不得領出於外又不可留宿於內聞 先

朝亦嘗有科道官下獄時請 命中書等官攝其

事予未暇答銓司具其事呈堂時日已至申乃急

為轉達遂得 俞旨是夕臺部封事方得人收納

次日子鄉姻官詹楊公

名守陞別號碧川今陞南京吏部尚書致仕

致

書於予大意言科道官下獄閣下即當抗疏請貸

如何差官代其事予以不知科道官得罪之繇難

便請 貸及臺部封事無人領收事不可緩之故
 荅之次日早予鄉友掌科呂公名獻令任順天府尹下顧問
 予曰楊公昨有書與閣下否予曰有因誦彼此書
 中大意呂公曰楊公亦以此書送六科科中人皆
 疑之予笑而不荅後與楊公往還如舊者經十餘
 稔未嘗言及此事至今年秋予 朝遷還邸第忽
 有客以先生石田詩集與犬子徑者予偶抽二冊
 目之遂見五言古風一首題曰讀楊宮詹與屠太
 宰論事劄驚曰異哉讀畢不覺大笑因次韻一章
 名曰解嘲云

宦遊久京國學通尤夫通見惡必遠避見善嘗加恭石田
 乃隱者賦詩亦多工如何論 朝政所論殊不公此劄實
 差謬何謂聲風泯到處任播揚有類衡與縱碧川居論思
 如何不納忠致書戒老夫友道皆云隆追思昔年事 大
 明麗長空堯舜喜復出萬機任匆匆納諫真如流 明良
 喜相逢荆榛委籬落芝朮收藥籠萬姓樂熙皞四方無鞠
 詢 今上初出閣庶事元老總九卿集東閣講官索儒宗
 先求語言正更論德學崇人各薦一二不稱交相攻老夫
 薦兩楊一即碧川一乃今碧川川流壅為語帶鄉音不及
 問學充因之又復薦元老耳若聾欣然用石齋萬口稱股

肱碧川已備知豈肯心懷凶同鄉又相親度量廓有容維
時科道官有事忤 宸衷一朝下縲綆難便責保庸天官

五曰保庸頭未尚未知焉敢干重瞳臺部上民事 俞旨
安有功也

俱已蒙日暮無人收厥職誰與供越例送臺部又恐觸

衮龍天曹借中書攝事猶賓鴻此舉實舊規碧川豈不聰

書來既善道如何報科中彼若擊巨石我猶履薄凍今復

寄吳下大傷君子風碧川豈為此姻舊情雍雍意必有檢

邪假此成已功抑恐入銓者邪正有不同或嫌不超擢或

怨非要衝當時呂都諫氣節儕何顯亦嘗論此輩懷毒猶

莽蜂其禍必在後亦或先其躬福善與禍淫循環兩無窮

莫道此言虛應若豐山鐘雲衢謾委蛇何必好征徂馬周
三十貴屢受唐室封崇卑各分定何必紫心曾石田若聞

此其言未必從我欲到虎丘携酒追吟蹤願言保遐壽待
我談始終

我談始終

右此和篇蓋都憲屠先生之所示喻者中和沛博之文
裕達含宏之度弗愠不知弗遷所怒藹然使人知長者

之德如此也周林野迂腐老味時宜初因楊官詹之劄
子將謂其篤於友誼相資成善能警薄返瀉於今之世

又謬恃三百篇之旨有懲有勸形於里巷而無責於是
莽無顧忌循其辭而貫穿以韻然其間鑿柄齟齬而有

得彼失此之機愚何容度嗟夫侮嫂氏之毀搗婦翁之
誣古猶不免都憲因自諒之矣但周於潞公之所分謗

梁公之所為容焉者不能無愧耳敬跋簡後庸識其迹
之始末云○孝宗實錄先是岷王奏武岡州知州劉遜

諸不法事上命逮遜科道交章諫阻 上怒四月戊子
下六科給事龐泮等四十二人御史劉紳等二十人于

粉不齊不日言金

錦衣衛是月庚寅以六科缺人掌印命于尚寶司及中書舍人內暫委六人署事從吏部尚書屠瀟奏也乙未上從瀟等公疏即日釋泮等仍各罰俸三月○屠公以弘治十三年致仕正德二年四月起掌都察院四年閏九月致仕則屠寄此詩當在丁卯戊辰間所謂經十餘稔未嘗談及此事者也屠詩云願言保遐壽待我談始終然都憲之解任在閏九月而先生以八月捐館矣太倉王司寇雜記云此後屠饋遺先生不絕先生佳畫亦多歸於屠皆譌傳也

南峯餞別文溫州

先生移疾倦宦游六年家居懶下樓分符到門不可阻欲行尚為鄉山留拌飧到處筍爛熳饒腹自詫文湖州靈巖昨已紀勝集南峯未肯饒清幽斜陽半嶺溢人面綠雲夾樹扶山堯邨翁野衲亦追逐半路出酒勸且酬禽聲下上

太守醉直與歐老爭遨頭明朝鴈蕩洵奇美但恐簿書山與讎不如抱被補一宿別後歲月其如流弘治戊午溫州別石田作畫題此詩畫今藏文宮洗文起家

歸途欲登惠山時煙雨空濛衆有難色余獨奮往治弘

未已

惠山怪我昨徑去歸來欲登却作雨濕雲隔眼失高翠掉頭不顧真巢父願治笠屐往慰謝衆慮霑濡吾莫沮我言惠不在天上行不畏難當至耳呼童挈榼客乃從一段奇蹤自伊始西湖山色奇空濛當與此山移此語

自甲浦道太湖四十里見吳香諸山喜而有作

清茗達宜興道湖已成算僕夫却告難風浪卒莫翫勸我
陟山麓正爾免憂患彼此有得失我臆殊未斷譬山行見
湖昏昏祇浩瀚何如行湖中坐見山秀爛僕尚請决筮得
需利在彖毅然促飛櫓猛進不復懦探穴有虎子履險獲
奇觀出浦即會勝列障擁一岸遙思攬吳香妄意覓仙幔
羣聳西若監巨浸東罔畔天謂湖太淫設此似按攤雲濤
日衝撞石趾力抵扞輸贏各無能兩壘對楚漢我行鋒鏑
間便以老命判山疑相慰藉逐逐笑供玩始有舟楫虞盡
被山破散山亦有情狀要我綺語讚氣聚勢則附形散脈
復貫遠近相衍適中自存博換雖靜有動機萬態紛變亂

虬龍徐蜿蜒獅狔悍奔竄吳突各不一大小略相半正展
芙蓉屏橫亘蒼玉案時穀緜日光莫熨錦繡段金庭與玉
柱遠弄波影粲歷眼四十程續續青不斷平生詫傳聞信
美非設譎修辭聊梗槩歸憶庶可按

汎菴畫溪

長溪碧衍玉光淨樹夾兩崖俱倒映群群樹杪髻螺出一
一隨行似相媵小舟貼水天上坐了見鬚眉落秋鏡溪當
比我懷尚澄地固不凡游亦勝舷歌偶爾及滄浪野鳥忽
飛魚忽泳中流手洗白磁觥一勺分清空百病喜聞秋潦
轉澄瑩健在能尋不妨更

遊張公洞并引

弘治己未之三月余來宜興客吳君大本所二十一日大本倡曰張洞果老修真處古福地之列吾邦之仙域也必啓君一游余笑曰業已訂之矣於是理舟載酒從泐溪而南歷罨畫溪迤邐四十餘里始舍舟陸行望西南諸山高下層疊叢然莫知所謂洞處詰之樵人指孟山曰此中是已其山於羣山最下而小計其高不過二十仞心甚易之豈靈區異壤能結乎是哉冉冉曲經田塍間三里許乃抵已暮亟繇林麓左行折而北二百步路次臨

一穴甚深晦其脣有雜樹蔽虧人謂此洞之天窗也轉及山椒則洞口在焉呀然向西北且隘有石衡亘於上如門楣然入必俯首上摩小方有刻未暇讀門側置片石楸紋縱橫云爲仙枰疑好事者設之自茲從石級下度載上載下崎嶇甚疲於老足因小憇旁石瞰下冥冥時嵐氣滃濤如水涵於中不可擬步隱隱惟見石臺耳暝色漸翳迨無所覩乃下山議宿道士張碧林溪館規以明日補其未足之游夜二鼓雨作簷聲浪浪悵然謂必敗乃事矣黎明天就霽卽蹶起厭浥行濕莽中喜劇興

熱却掖猛進冉冉焉足若虛躡洑洑焉身若淵墜
愈下而愈奇乃及臺而昨俯見天窻者今則仰視
之日光下映四顧瞭然下多亂石傾亞有崩跌勢
洞傳孫氏赤烏間霹靂所開天窻可想其迹也臺
踞洞北趾崇丈餘南面而立則三面環見皆石壁
壁拔地漸高而偃如鵬翼騫空燾下其中谿谿壁
之理上下皆庚庚而橫理中乳流萬株色如染靛
巨者么者長者縮者銳者截然而平者齒莖者螺
旋者參差不侔一一皆倒懸儼手怒猊掀吻廉牙
利齒欲嚙而未合殊令人悚悚乳末餘膏溜地積

爲石檔數長軀離立兀兀色揉青綠可愛西壁下
作大裂斜而衍幽而窅內多流石錯互初隨行小
僮誤繇洞口岐而入忽見蹒跚出于罅處衆訝曰
何小子之佻達也東壁下一小洞廁門內有石窪
滴水滿中又一洞正南壁中極黝黑云通半里許
余闖之寒氣淄淄襲人不可久竚大本則挾童奴
二三輩執炬踉蹌而入覺其挺詣之無難也非但
不能抑不敢以老身試其不測惟盤桓臺下恣得
俯仰之觀嗟乎設者不自知其巧而使遊者知之
知也有不能盡其知遊也亦有不易者焉余於宜

興二過洞尚相昧今於一識迨老始獲之可信境
 於人間不多設遊於人生不能幾遭因引酒獨酌
 心與境融樂與迹超洋洋乎欲參造物者遊謂可
 遺世而長存不知果翁之得果何如哉時大本自
 別洞出仍來候余歷言其中石牀石灶丹田之異
 旁之列洞不可殫記余曰毋多詫我我亦有神偕
 子往矣大本請記而系以詩詩曰

仙山不在高靈區設中葺包蒙自太古霹靂始與牖閭然
 不耀地白日已通晝遂襲世遊人我及千載後登頓入地
 中足與石角鬪飛崖臨紫雲既掀勢還覆仰面欲成壓山

鬼自司救元氣不蒸兩五色變乳溜支本萬不齊纂纂簪
 筍瘦又如人披腹呈此琅玕秀旁扉表雲房曲密通款竇
 跬步必容炬老膽怯且逗神仙未易求冥探亦何溝矯手
 采瑤華和飲千日耐聊度三千年儼與石同壽

吳原博跋云石田嘗兩至宜興與克溫翰林謀游張公
 洞輒為雨阻歎曰名山之游信亦有命也去歲乃始與
 大本隱君游而願始遂更為作圖而繫詩于後又為敘
 引述其勝甚備傳至都下予獲讀之雖未及游而茲洞
 已在吾
 目中矣

酬吳大本邀遊善權不果

久要三十年契好未始曠懋老辱招拉山水作清放鄭重
 三百里迢迢累孤舫病濕如寒窘美意成舛望足滯惟心

馳日暮生悒快把袂未忍判彼此默相向翩翩楊柳花撩
 亂白髮上物亦似人情留戀聊一餉踐約須過月山林綠
 陰王突奮誰我沮指日語敢誑登堂謝所負一笑賀無恙
 善權尋舊夢蜀山發清况諸公如不棄詩酒要酬倡浮生
 感流光石火急難仰行樂在及時得失亦巨量坐看西飛
 雲悠然情莫忘

吳綸字大本築別墅於陽羨溪山間至蘇必過石田流連浹旬乃去餘無所詣

送王理之赴孔林書新廟碑

王子嗜字學闔戶攻古籀會莫求人知摸榻烏衫袖發緒
 到秦封探蹟更周狩前年靈光留再構初觀復工訖乃紀

載伐石獲良琇鉅公寔修辭標美書豈後遠檄舉王子憲
 撫識不謬膏車未謀人逕作千里就聖德無假託高揭有
 永壽譬雖衮裳貴亦見附繪繡握筆敬在先書法要締究
 匪徒求媵媚結體務莊厚老夫愛莫助贈言恃惟舊

弘治十二年己未闕里災次年庚申重修

送薛堯卿漫游言登泰山謁孔林而迤邐求仙海上

堯卿掉頭狂且忙結束東遊如子長擬將足跡試天下三
 月已自儲餼糧出門長嘯振林木崩縱短劍秋風涼臨岐
 調我老不及登高健步如飛翔岱宗未到已在眼齊魯指
 點青微茫書生浩氣又憤激要倚日觀攀扶桑秦鐫漢刻

多漫漶且莫苦苦求其章東封何有許功德文武未必能
 張皇惜哉君行差較晚燼後灑淚悲靈光是年闕素王有
 道自六籍固是不死之仙鄉羽人丹丘何足問勿以汗漫
 窮荒唐丈夫汲汲在事業白髮須臾成老蒼無人薦達自
 陳列 朝廷求賢正無方頗聞北事近擾擾毛錐未抵文
 八鎗邊頭合有班定遠天下豈無張子房山東李白恃必
 用莫自兩生追所亡不然歸來且高臥共喫飽飯歌陶唐

白茅顧氏種荔枝核成樹有感 弘治壬戌

人傳顧家園近有閩荔枝始聞漫竦企果否兩莫裁閩吳
 地殊懸此物胡來哉彼此氣各偏炎寒亦難諧淮南不宜

橘冀北不宜梅物固產不通性與土相乖耳目自為仇于
 懷日徘徊問訊昨走奴已遣仍慮詒及返有所挾么枝葉
 蓑蓑葉次綴小蕾含黃未成開事固有變理執嘗哂吳歎
 兼能述所致妄痊核偶茲今本已拱把森然暢條枚去歲
 實垂成墮落惜玫瑰根氣恐未充加培如保孩紫苞已在
 眼香甘早流腮老夫喟有此南氣其北來先從草木見造
 化有胚胎厥初限荒服難與玉食偕漸虞道理近有以滋
 味媒置堠當未免又見飛塵灰

嘗熟顧氏自閩中移荔枝數本經歲遂活石田使折枝
 驗之翠葉茂茂然不敢信也以示閩人良是因作新荔
 編命壁同賦
 詩見甫田集

生日漫言

幼時慕八十妄念笑荒唐八十思幼時過事驚渺茫事過
三萬日人如傀儡忙忙忙到衰老傀儡是末塲謬以百年
算畸日苦不長雖有六千日長短未可量使長莫如前使
短亦不妨固非惟天闕白髮映黃腸生順與沒寧大觀理
之嘗腐草舉末焰螺甲懷餘香含靈參天地息存還自強

正德元年甲寅
先生年八十

理詩草

佚老餘生願失子末路悲不幸衰颯年數畸遭禍奇獨存
朽無倚如木去旁枝剩此破門戶力憊嘆叵持屑屑衣食

計一一費心思思深氣血耗痛痺引百肢多忘識慮淺耳
聵目兼眇一旦一身內有此衆病滋所苦不敢訴嘗畏老
母知小孫蠢不學次兒誕而癡後事不足觀百憂無一怡
吾性無妄好執善信不疑垂垂垂白鄉朝斯還夕斯高高
冥冥者何物顧相欺似我未蒙祐反有菑害惟滾滾人海
中黑白何可剗口亦不能問理亦不能推以死致度外且
活是便宜今日盡今日明日豈可期亦復酌我酒亦復吟
我詩我詩無好語稿苴從散遺兒在曾哀葺今紙著淡糜
抱患天地間空言亦奚爲

烏藤杖歌

烏皮製積竹約然瘦骨挺玉修且堅流求怪藤老不死翦
送海外誰寅緣洪濤躍過十萬里滑似龍鬣疑沾涎憊翁
杖之尚溜手扶持頗認兒孫賢傍人笑爲數促節百有二
十期吾年明朝策雪入梅去桃竹不敢爭其權

石湖書院老樹行

范公亭東看古樹有身莫可限尺度只憑長大不長長邊
老婪酣遺醜肚一榦朽盡皮肉空一榦輪囷葉麓蔽盤根
到處走虬蛇風雨不驚知得地坐根納蔭且移時靜玩氣
機成感遇人生安得如此頑不死不用嘗在世

梳頭曲

少女重青鬢膏掠不停手臨鏡時再三呼人問妍醜西家
有寡妻日日待白首

門前有垂楊

門前有垂楊枝葉何靡靡飄花欲及地忽復因風起搖蕩
少婦心天涯念遊子愁多肌肉消不敢臨流水

暗紡詞

貧家紡婦夜紡紗無油點火暗搖車紡多手熟不勞力眼
雖不見手明白車搖搖今夜迢迢今夜不作無明朝來圖
織布且換米早粥在鍋渾舍喜富家燒蠟滿堂紅彈絲調
竹喧春風紡車嘈嘈只隔壁苦樂兩聲何不同

迎新送舊曲

鼉鼓擊龍笛吹阿婆接寶新人來新人來舊人去迎新送
舊門前路門前路有曲直門前樹有短長傍人未說新人
彊新人繡羅鬱金香舊人練布秋風涼初將生死託末路
受盡糟糠還下堂下堂畏踏來時路啼鳥飛花撩斷腸鳥
啼怪道呼姑惡花飛怪道似郎汪寄語新人保恩愛三年
五年當見郎

吳姬曲

前年別郎三月暮東蕩西飄不知處願彈紅淚濕楊花總
饒輕蕩飛難去

廢宅行

長洲苑外連雲宅青粉垣墻高廿尺重樓沓閣出參差柳
絮中間影朱碧堂前暖霞封畫闌淵淵伐鼓催牡丹行人
隔墻空歎息富貴無緣容眼看主人但怕客不醉白日未
昏教火繼歌童揭調塵墮梁舞女矢釵金溜地豪華忌久
復忌盈時革人亡一夢驚門前車馬野花盡地上牛羊無
草生老奴髮禿變雙足猶戀遺基葺茅屋半甌齋粥不療
饑西風滿面吞聲哭

鶻打雉贈陶將軍

猿臂將軍臂黃鶻小隊蒐原笳鼓急驅叢迫薄草木驚野

雉衝人馬前突漆眸側睇奮脫鈞控拳捩翅筋力邁雉欲
逋飛膽先落屣爪攫顛如就縛看人喝采和千聲將軍厭
鶻自摘生剗心剔肝錦毛破五色花袍腥血漉

贈史癡翁

我昔聞癡翁已及三十年不知翁爲人名癡胡其然癡本
性不慧懵憧百不便今年闔閭城握手在市廛角中摺軟
羅腰帶敝帛纏短屨草獵獵長袖雲翩翩溫慰未通語輒
歌沈醉篇拉翁黃公壚買酒醉聖賢却盃不事飲莫與癡
爲緣我謂癡所發必恃酒爲權無酒癡不成癡酒不可偏
云癡豈假酒假酒癡不全我癡把混沌七竅莫我穿若謂

酒使我良馬亦俟鞭人以黠教我我自信癡蟬人以嗤我
畫我畫師癡虔手探夾袋中出具置我前水墨乃從事慘
澹開雲煙大幅及小幅紙影彌山川圖成贅言句草次亦
及玄市上諸小兒驚駭謂之僊清虛結簪衲鷲花亦留連
要去不掉頭急急箭脫弦無慕豪富門脚版如鐵堅此翁
所以癡以故囊無錢於人有雌黃嘗在口角邊於人有孝
義記注一大編此翁不癡者人焉得知焉吳人多癡呆翁
豈吳人傳翁云我吳產此病知莫痊我生迨八旬落魄如
風顛不知人所毀亦不求人憐種竹欲借地買書嘗賣田
蓬蓬被白髮咄咄書青天我顛與翁癡癡顛相比肩約爲

老兄弟逍遙覓彭錢

趙頭陀

山住忘八年衆慮攝一定氣味漸木石久久同心性面瘡
 疑饑成肌澤匪沉淨覆髮短及耳鬚槎黑紛勁邇來訪人
 寰迹若無塵境半跏就長衢目瞪神亦凝過旅詰何修百
 語罔有應中露詫莫偃尚見雪霜更動偶不知動靜至不
 覺靜譬觀鏡中影出入何害鏡施食信酒肉大啜葢羨剩
 投貨略不顧千金等破甑謂仙人莫究云佛誰敢證塊然
 天地間造化莫命令

趙頭陀者自云終南山人成化間游吳中啖肉盡十數
 斤飲水亦一二斗宿承天寺數年後坐苑橋上大呼一

聲遂化茶毘之
 得舍利數顆

贈源上人

苾芻聞香十年已嘗有寄緘烏有裏祇從人家誦卷軸千
 里何殊相晤語雲萍蹤跡不可呼眼外之人疑老矣今年
 秋暑我牀榻脾病困頓未能理黃昏短刺墮枕前不倩人
 扶攬衣起吹燈相炤見瘦玉人與清詩正堪儼僧中此老
 古或有超然已覺今惟此翻經石上月紛紛半是微哦細
 吟耳我持此癖七十年滿地江湖俟知已傳杯夜屋破蚊
 蚋且畧無生談賦比杭州官府尚多賢當面寥寥惜無與
 脚膝之下自有地不作窻蜂苦鑽紙斯文有契屬老境頻

徒頻來自伊始白頭接膝無百年人生歲月如流水

夢謝人授鹿角膠記吳全篇寤而足此

毛龍頂上紅茸茁三尺珊瑚長仙槩根貫神顙不可折扣
中五音發清越農皇笑以金刀截骨解支分寸成節湘以
玄水桑火藝七日鼎中緘鬼血天精地髓轉作雪補我玉
堂溫不熱試之七許膏吻舌酥飴停調氣馥烈便爾小活
亦大耄更三千年等一瞥

葉婦高節詩

節婦鄒氏年二十三甫歸官橋葉氏子芸僅五十
五日芸卒節婦誓死不出房限不與人見其姑謂

曰奈火盜疾病何節婦乃約云云後疾革囑曰吾
寢生處以安死必殯此不可容弔者入如生之不
接見男子以畢我始終之志言訖而沒享年六十
有四余高其行度越嘗流矣次第其言以著於篇
云

葉家夫郎鄒家婦百年同生誓同死五十五日天奪之一
箇孤鸞失其侶腹中顧後無男女手中托生有機杼短檠
長夜不敢哭白日深沈閉房戶老姑謂婦歲月長新婦告
姑聽我語我身聊奉姑同居我心已與夫同土青天雖高
所不欺白髮固遠要自取憂勤患難以靜制禮義廉恥在

剛主火來脇房我不動委身一焚火莫苦盜來敲門我不
驚先身一死盜何侮病來容藥不見鑿有臂可斫診不許
事雖未及慮早及口既能言身有處世當可重儼金玉家
不可少比稷黍臨終一著尤可竦笑謂家中諸姬姆老身
幸享六十餘數盡年窮理宜去紛紛身後惜事亂從此治
時先囑汝房前棖限喻如山自我入來無出武房中處久
於我殯魂識依依得其所生前忌接男子面死魄母令弔
人覩人間嫠寡堪作訓始末高明越今古 朝廷未聞鄉
且頌完德更宜加藻斧何人有力達太史何人有力達公
府嗚呼節婦今冥冥其身可腐名弗腐

贈韓珍

恩以生骨肉義以生撫育韓珍本異姓恩與義兩足心肝
蓄義血甫有數十斛義氣溢皮毛馨馥及衣服主父病京
邸危命一線屬千里獨奮往併日走匍匐藥物無能爲事
亟割股肉股亦割義刃無懾亦無愾雖然不救死揆意義
亦篤君臣亦義合往往逆亂伏珍乎可珍哉搖毫吾特錄
咏費彥傑還釵事

淮安新城下交易利所在往來日萬人財貨隘閭閻道上
或有遺一錢尚爾愛老叟費彥傑早行足有礙俯拾黃金
釵耀目口發喟乃詰旁居人經此何淑艾衆云未始見見

祇有輿載恐是惟中脫去此尚未邁費追逾阡陌氣喘力
良憊止輿問何失會莫有所忒輿女驚其言撫髻乃覺讀
拳惟出粉黛便卽就地拜還釵叟疾走更莫延少話女却
叩姓里荅云不足芥無姓住亦遠欲知將奚待我亦弗汝
詢彼此付曖昧此事嘗有聞但慮斯言甕偶與叟相接詢
之乃至再叟笑云雖有宜還無可怪嗚呼古人事喜見行
今輩揆今寔謂奇蜀日犬乃吠在叟似非難在衆則難逮
義利寓人情要之得其裁吾詩爲叟發庶亦存俗戒